

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik -

Broj: 07-34-276/19
Datum, 04.03.2019.godine

Na osnovu člana 72. Zakona o državnoj službi u Tuzlanskom kantonu ("Službene novine TK-a", broj: 7/17, 10/17, 10/18 i 14/18), Općinski načelnik, **o b j a v l j u j e**

INTERNI OGLAS

Za popunu radnog mjesta namještenika u Službi za opću upravu i zajedničke poslove, na neodređeno vrijeme

- viši referent za građanska stanja – (matičar) 1 (jedan) izvršilac

OPIS POSLOVA

Vrši osnovne upise u matične knjige rođenih, umrlih, vjenčanih i knjigu državljana; izdaje izvode odnosno, uvjerenja iz matičnih knjiga rođenih, umrlih, vjenčanih i knjiga državljana; vrši upis sklapanja brakova; dostavlja smrtovnice sudu; vrši upis priznavanja očinstva i materinstva; dostavlja izvještaje centru za socijalni rad o vanbračnoj djeci; vodi indeks knjiga i prepis knjiga; vrši upis jedinstvenih matičnih brojeva; sastavlja razne spiskove za potrebe obrazovnih, zdravstvenih ustanova i registracije; dostavlja promjene, a u vezi sa jedinstvenim biračkim spiskom; obavlja druge poslove po nalogu Općinskog načelnika i neposrednog rukovodioca.

UVJETI

Pored općih uvjeta predviđenim članom 76. Zakona o državnoj službi u Tuzlanskom kantonu (državljanstvo BiH, punoljetstvo, opća zdravstvena sposobnost, vrsta i stepen školske spreme, da u posljedne dvije godine od dana objavljivanja internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini, da nije obuhvaćen odredbom člana IX 1. Ustava Bosne i Hercegovine), kandidati moraju ispunjavati i posebne uvjete utvrđene Pravilnikom o unutrašnjoj organizaciji, i to:

- SSS/IV stepen stručne spreme (ekonomska, upravna, gimnazija, birotehnička ili druga tehnička škola), položen stručni ispit za namještenike za rad u organima državne službe, najmanje deset (10) mjeseci radnog staža u struci ostvarenog poslije završene navedene srednje škole, položen poseban stručni ispit za matičara i poznavanje rada na računaru.

POTREBNA DOKUMENTA

Uz prijavu na interni oglas sa kratkom biografijom i kontakt podacima, kandidati su dužni dostaviti sljedeća dokumenta (originali ili ovjerene fotokopije), i to:

1. uvjerenje o državljanstvu BiH (ne starije od 6 mjeseci) ili fotokopiju lične karte i CIPS-ov obrazac,

2. izvod iz matične knjige rođenih,
3. diploma o završenoj srednjoj školi,
4. uvjerenje o radnom stažu u struci,
5. uvjerenje o položenom stručnom ispitu,
6. uvjerenje o položenom posebnom stručnom ispitu za matičara,
7. dokaz (uvjerenje ili potvrda) o poznavanju rada na računaru,
8. dokaz (uvjerenje ili potvrda) da je kandidat u radnom odnosu na poslovima namještenika,
9. uvjerenje da se protiv kandidata ne vodi krivični postupak (ne starije od 3 mjeseca),
10. ovjerenu izjavu kandidata da u posljednje dvije godine od dana objavljivanja internog oglasa nije otpušten iz organa državne službe kao rezultat disciplinske kazne na bilo kom nivou vlasti u Bosni i Hercegovine.
11. ovjerenu izjavu kandidata da nije obuhvaćen odredbom člana IX 1. Ustava Bosne i Hercegovine.

Kandidat koji bude izabran dužan je dostaviti uvjerenje o zdravstvenoj sposobnosti za obavljanje poslova radnog mjesta, neposredno pred stupanje u radni odnos.

Shodno odredbama člana 72. stav (3) Zakona o državnoj službi u Tuzlanskom kantonu, pravo prijavljivanja na ovaj interni oglas imaju namještenici organa državne službe svih nivoa vlasti u Kantonu, koji ispunjavaju uvjete za obavljanje poslova tog radnog mjesta.

Interni oglas ostaje otvoren 8 (osam) dana od dana objavljivanja na oglasnoj tabli i Internet stranici općine Srebrenik.

Prijave sa traženom dokumentacijom dostaviti u zatvorenoj koverti neposrednim putem ili putem pošte /preporučeno/ na adresu: općina Srebrenik ul. Varoških polja bb, 75350 Srebrenik, sa naznakom **“za provođenje internog oglasa za popunu upražnjenog radnog mjesta višeg referenta za građanska stanja – (matičar) u Službi za opću upravu i zajedničke poslove - ne otvaraj”**.

Nepotpune i neblagovremene prijave neće se uzeti u razmatranje.



OPĆINSKI NAČELNIK

Dr. sci. Nihad Omerović